



姓韻卷二十一

十一頁

秦 見廣韻

陶潛四八日舜七友有秦不虛按一作秦不字或作不空

莊子老聃死秦佚吊之三號而出

左傳襄十八年魯有秦周伐雍門之萩昭二十五年傳魯

秦適季妣使其妾扶已以示秦適之妻注妻公烏妹秦姬

也襄十年傳偃陽之役孟氏之臣秦董父輦重如役主人

縣布董父登之及堞而絕之隊則又縣之蘇而復上者三



主人辭焉乃退師歸獻子以堇父為右生秦丕茲事仲尼
史記秦祖字子南鄭兮曰秦人秦丹字開鄭兮曰蔡人秦
商字子丕鄭兮曰楚人家語秦非字子之魯人
列子秦青善歌薛譚學謳于秦青未窮青之技自謂盡之
遂辭歸青弗止餞於郊衢撫節悲歌聲振林木響遏行雲
譚乃謝求反終身不敢言歸

呂氏春秋秦牙相馬前

韓子秦越人善醫按卽扁鵲周礼釋文引史記扁鵲姓秦
名少齊字越人常昭注國語以扁鵲姓盧誤矣

國策燕有秦開秦舞陽

史記楚凌人秦嘉自立為大司馬惡屬人嘉立景駒為楚
王按漢有土計吏秦嘉有與婦徐淑書

隨經籍志漢哀帝時博士弟子秦景伊存口受浮屠經又
云後漢明帝遣郎中蔡愔及蔡景使天竺得佛經四十二
章及釋伽立像按陶隱居真誥孝明帝遣使者張騫羽林
郎秦景博士王遵等十四人之月氏寫佛經四十二章秘
之蘭臺石室

尚書疏漢有秦恭字延君都人說若稽古三字二十四萬

言

漢書秦彭字伯平潁川太守漢興之後世位相承同時為二千石者五人故三輔說曰萬石秦氏按東觀記作字伯本

漢書秦頡南陽太守擊張曼成斬之按水經注頡郡人以江夏都尉出為南陽太守襄陽耆舊紀頡字初起

光武紀秦豐自號楚黎王按渚宮舊事豐少有雄風王莽未結鄉里豪傑起兵掠荊州十二縣據襄陽之黎丘自稱楚黎王

伸

見姓纂

氏姓謹宋有伸意政和中進士莆田人

親

史記蘇代謂孟嘗君曰周最于齊至厚而齊王逐之而聽

親弗相呂禮者欲取親也秦秦晉合則弗親與呂禮重矣策

作祝弗

印藪漢有親宋親意

隣

此姓諸書無今補

漢藝文志老子有隣氏經傳四篇

魏志張既傳酒泉蘇衡反與羌豪隣戴及丁令胡萬餘騎
攻邊縣既與夏侯儒擊破之衡及隣戴等皆降

辰一見官氏志路史

蕭廣濟孝子傳有辰勤

通州志辰之屏康熙時為通州巡檢

辰放氏路史古帝有辰放氏

廊見姓苑廣韻玉篇

塵

氏姓謹塵鴻邯鄲人正德中任沙河縣教諭塵昂霄山東

莘縣人嘉靖間任贛州府經歷

因見穆天子傳左傳

李嗣真讀畫品錄有因僧亮善畫

五代史周顯德五年占城國王因德漫遣使者莆訶散來

貢猛火油八十四瓶蕃薇水十五瓶其表以貝文書之

宋史占城國使者臣因陀玠

金史國用安傳有近侍局長因世英徵用安入援終不赴

乃還朝至宿州遇元兵不屈而死

正字通曲沃人因孔景泰舉人因網絳州成化舉人因於

夏絳州萬厯舉人

池北偶談山西甲子科舉人因必芳曲沃人

茵 姓苑人姓

炆 見奇姓通

頻 見風俗通

風俗通漢有酒泉太守頻暢按氏族畧引作頻陽誤

頻伽氏此姓諸書無今補

南史梁普通三年婆利王頻伽復遣使珠智獻白鸚鵡青

蟲兜鍪琉璃器古貝螺杯雜色香數十種

閻 見姓苑字一作閻

閻 見姓苑

姓苑漢有閻仁廣平人

氏姓謹閻敬登州人洪武中任吉安府知府

平涼志閻金平涼人宣德舉人

澍宰大足時有民人閻宗悅閻文有閻先

緡 見姓苑路史

氏姓謹緡桓固始人正統中任廣東都指揮

闈

左定五年傳吳師大敗吳子乃歸因閩輿罷閩輿罷請先
遂逃歸杜注輿罷楚大夫

莊子闔跂弄支離無朕說衛靈公公說之

傷 見姓苑音鐸

薪 史記薪犁夷姓

鈞 見風俗通

風俗通漢有侍中鈞喜

氏族畧宋元豐進士鈞仲甫按元豐一作大觀又紹興進
士鈞宏俱鹽亭人

蟻

氏族畧唐咸通中有蟻固知音律

幽 見姓苑

邠 見姓苑廣韻

東觀漢記邠任雁門人也東平憲王蒼辟為祭酒後朝會
明帝戲之月餘遂去官按范書袁宏記作邠恁

水經注汲縣太公廟碑崔瑗子玉為汲郡太守有邠鄆為
瑗功曹按鄆一作勤

張納功德叙碑陰有守屬安漢邠升

純 見姓苑

袁宏漢紀匈奴中郎將純脩擅斬單于呼演更立右賢王
羌深為單于脩抵罪

唐書吐蕃魚海軍副使銀字告身純牙胡為節度總管唐
朝英等斬之

臣

漢藝文志臣君子二篇注臣君子蜀人

西域傳敦煌太守徐由遣疏勒王臣槃發二萬人擊于闐
破之順帝永建二年臣盤遣使奉獻帝拜臣盤為大都尉

元子臣勲為守國司馬臣磐安國舅是疏勒有臣氏也

集古印謹漢有臣縱臣駿

奇姓通漢臣琮安東將軍又有臣安漢唐有臣悅著隨平

陳記

萃 見姓苑

溱 見姓苑

湍 見姓苑

軟 見海篇直音音軫

寘 音賓姓謹必鄰切即古賓字

種 見姓苑

身

西域傳匈奴立龜茲貴人身毒為龜茲王是龜茲國有身氏也

姓苑漢有身相按亦見集古印譜

荀 見國語廣韻

物原黃帝臣荀始為冠

按左傳晉荀息不食言死里克之難荀林父始將中軍稱中行氏其弟荀首分族為知次逝教孫驩食邑程為程氏晉

又有荀吳荀偃荀寅皆中行氏國語悼公知荀賓之有力而不暴也使為戎右欒伯請公族大夫公曰荀家悖惠荀禮文敏左作荀會與家為公族大夫昭九年傳荀躒佐下軍

史記趙荀况為蘭陵令與平原君論兵按鼎錄荀况在嵩谿作一鼎大如五石甕表裏皆紀兵法大篆書

按魏世家荀訢即荀欣公仲連所進者

南粵傳左將軍荀彘擊朝鮮縛楊僕坐爭功棄市

漢書荀淑潁川人况後字季和補朗陵侯相稱神君有八

子儉緄靖燾汪爽肅專時人謂八龍按荀氏謚云儉字伯
慈緄字仲慈靖字叔慈燾字慈光汪字孟慈爽字慈明肅字
敬慈專字幼慈緄濟南相年六十六燾舉孝廉年七十注
昆陽今年六十肅舞陽今年五十專司徒掾年七十燾一
作壽專作專非也爽拜司空許章慈明外朗叔慈內潤靖
號曰子行先生又謚曰昭定先生淑子昱字伯條為沛相
謝承作儉曇字元智為廣陵太守荀悅字仲豫儉之子官
侍中作申鑒五篇漢紀三十篇荀彧字文若荀攸字公達
連

郇

見史記索隱廣韻按師古漢書注音荀又音胡頑反

鮑宣傳王莽時清名之士太原郇越臣仲郇相稚賓同族
昆弟也並舉州郡孝廉茂材數病去官越散其先人訾千
餘萬以分施九族州里志節尤高

後漢書郇恁字君大為議郎袁宏紀恁太原人隱居山澤
不求於世匈奴嘗入太原聞其名乃不入舉宗賴之

唐書元載未敗時有晉州男子郇謨以麻辮髮持竹筐葦
哭於東市人問其故對曰願獻三十字一字為一事若言
無所取以席裹尸貯筐中棄于野京兆以聞

氏姓謹郇旃沐陽人建文庚戌進士按一作洪武進士者
訛

氏姓謹郇英汝州人正統舉人郇靜汝州人正德中任教
諭郇存正益都人萬曆間任德安府推官

郇瑕氏見左傳此姓諸書無今補

淳

見姓苑

列仙傳東粵王妃淳文期青童君之妹按真一脩檢經東
海玉粵妃淳文期青童君之妹降張微子服霧之方列仙
傳文有誤

奇姓通宋端平進士淳坤遂寧人

漢中府志淳恩厚合州人正統中為沔縣典史

四川志淳忠厚弘治舉人任成安教諭淳英景泰舉人皆
合州人按弇山堂別集忠厚為成安令與志異

彭水縣志淳明道妻徐氏淳明珊妻趙氏俱少寡守志以
節孝稱

淳于氏見風俗通

史記齊贅壻淳于髡秦博士淳于越齊人

漢百官表大司農淳于賜水衡都尉淳于長太原太守淳

于信中君為右扶風淳于恭子孝為太子舍人按東觀記
恭字孟孫家井在門外上有盆鄰里牧牛而爭飲水恭惡
其爭多置器其上為預汲水滿之小兒復爭恭語其父母
禁怒之

後漢書光祿大夫濟南司徒淳于嘉為司空按礼儀志獻
帝加元服嘉為賓加賜纁駟馬

律麻志使校尉淳于陵渠覆太初麻晦朔弦望最密日月
如合璧五星如連珠

于寶搜神記桓帝即位有大蛇見德陽殿上雒陽市令淳

于翼曰蛇有鱗甲兵之象也見於省中將有椒房大臣受
甲兵之誅也乃棄官遁去至延熹二年誅大將軍梁冀捕
治宗屬揚兵京師也按翼會稽上虞人學問淵深大儒舊
名常隱於甲里罕見長吏見袁宏記

漢書董憲餘黨淳于臨聚眾數千人屯潯山廬江人陳眾
說降

北海相景君銘碑陰有故書佐平壽淳于闔字久宗故脩
行營陵淳于登字登成按漢末有中常侍淳于登
天戒經淳于斟字叔通會稽人漢桓帝時為徐縣令好道

術數服餌胡麻黃精後入吳烏目山中隱居真人授以虹
景丹經按列仙傳魏伯陽遇同郡淳于叔通喜其靈慧以
參同契與觀即其人也

西京雜記霍光妻顯遺淳于行蒲桃錦二十匹衍女醫也
光妻使毒許皇后

漢書太倉令淳于意善醫得罪其女緹縈上書乞代死

泰山都尉孔宙碑陰故民泰山費淳于黨字季

缺

樂資山陽公載記淳于夔為右校尉按通鑑注引樂資記
作淳于瓊何進傳淳于瓊為佐軍校尉又非夔而曹瞞傳

云袁紹將軍淳于仲簡官渡之役曹操割其鼻又曹瞞傳
淳于瓊字仲簡為袁紹運糧為操劫畧

魏志淳于俊為易博士對高貴鄉公曰包犧因燧皇之圖
而制八卦神農演之為六十四黃帝堯舜通其變三代隨
時質文各繇其事故易者變易也

吳志淳于式陸遜曾薦之官會稽太守式嘗表遜枉取人
民愁擾所在孫權曰式白君而君薦之何也遜曰式意欲
養民是以白遜

古今廣五行志晉愍帝時丞相府殺督運令史淳于伯其

血逆柱上流二丈三尺按干寶云殺淳于伯之後早三年
晉藝術傳淳于智字叔平能易筮官司馬都督

通典晉有崇氏問礼於淳于睿前趙錄晉將軍安政攻
前趙錄晉將軍淳于安政琅邪費縣俘獲千餘人
琅邪費縣俘獲千餘人

華陽國志淳于定為益州太守按晉書太傅越以南陽王
模不能撫綏關中表徵為司空將軍淳于定說模使不就
徵即此人也

晉書姚泓受業于博士淳于岐省疾親拜于牀下按後秦
錄東平淳于岐者年碩德經明行脩姚興于聽政之暇講

論道菀

梁書淳于量字思明建業人偉姿容有幹畧元帝以軍功
除桂州刺史又湘東王繹以巴州刺史丹陽淳于量擊侯

景

北魏書淳于誕字靈遠父興宗為齊南安太守

唐書淳于難隨末兵亂與弟朗率眾保障登萊民賴以安

武德中拜難登州刺史史朗萊州刺史淳于雍仕為太子中

舍人年甫強仕即乞歸養

唐書丞拱中突厥阿史那骨篤祿寇邊以左玉鈐衛中郎

將淳于處平為陽曲道行軍總管討之與突厥戰於忻州
敗績

李肇異聞錄東平淳于芬夢入槐安國為南柯太守

五代史霍彥威客淳于晏登州人少舉明經及第遭世亂

依彥威自彥威為偏裨時已從之彥威嘗戰敗脫身走麾

下兵無從者獨晏徒步以一劍從之榛棘間以免彥威高

其義所至方鎮嘗辟以從至其家事無大小皆決於晏彥

威以故無過失當時諸鎮辟臣寮屬皆以晏為法

氏族畧宋有淳于復皇祐登科登州人

倫 見風俗通

氏族畧唐有監察御史倫元慶京兆人宋倫次陸南海人

寶慶進士

題名錄倫善廣州順德縣人成化乙未進士倫文叙字伯

疇南海人弘治己未進士狀元按著迂罔集十卷子以訓

正德丁丑進士會元榜眼按著白山集十卷國朝彝憲三

十卷以諒正德辛巳進士按著石溪集十八卷以說嘉靖

戊戌進士按著穗田集十卷見明史藝文志倫文號警齋

順德人嘉靖壬戌進士一作癸丑誤倫肇脩新會縣人萬

麻丁未進士

氏姓謹倫應祥南海人由鄉貢萬厯間任萬載知縣政尚

嚴明

按康熙時有倫品卓為建昌太守葬南城今苗蕃之屍又

葬南康太守^太聶應井之柩見廬山續志

題名錄倫顯聖南海縣人乾隆丁丑進士

縉紳錄倫新高要人嘉慶間任文昌縣訓導拔貢出身後

官寧鄉縣知縣

綸 見姓謹

魏志綸直為公孫淵遼東將軍~~文~~淵謀反將軍綸直賈範

等苦諫淵皆殺之司馬懿斬淵乃封直等之墓顯其遺嗣

前涼錄涼王遣司馬綸騫奉章詣建康請命並送御史喻

歸還京師

輪 見見路史

按管子莊子淮南^子子皆云輪扁對齊桓公韓詩外傳以為

對楚成公又輪扁人表作輪邊

旬 見路史

枸 見路史

銀 見姓苑

山西通志銀鏡太原州人正德戊戌進士任雞澤知縣

擢戶部主事

陝西志銀綬高陵人永樂丙子舉人登進士

廣西志銀瑤鬱林人宣德中任高昌縣丞

明史蕭授傳宣德元年鎮元印水蠻銀總作亂是南夸姓也

統謹銀嵩故城人成化舉人任知州銀金羅山人嘉靖中任崇德縣丞

明史西羌有銀定石銀定賓是西羌亦有銀姓也

漢中志銀器遼東義州人順治四年為漢羌道

尊鄉贊筆江南鄉試房考銀文燦等俱戮于市

縉紳錄乾隆間銀中球任安鄉縣知縣銀中琳亦為知縣皆廣西象州進士

題名錄銀文昭臨潁縣人乾隆辛巳進士按亦見朱筠筭河文集

春 見風俗通姓苑

呂氏春秋齊宣王為大室大益百畝堂上三百戶以齊之

大具之三年而未能成羣臣莫敢諫王春居問於宣王曰
荆王釋先生之礼樂而樂為輕敢問荆國為有主乎王曰
為無主賢臣以千數而莫敢諫敢問荆國為有臣乎王曰
為無臣今王為大室其大益百畝堂上三百户以齊國之
大具之三年而弗能成羣臣莫敢諫敢問王為有臣乎王
曰為無臣春居曰臣請辟矣趨而出王曰春子春子反何
諫寡人之晚也寡人請今止之遽召掌書曰書之寡人不
肖而好為大室春子止寡人箴諫不可不熟莫敢諫若非
弗欲也春居之所以欲之與人同其所以入之與人異宣
居其事同當即一人也

王微春居幾為天下笑按尚書大傳春子名衛新序作香
居其事同當即一人也
趙策秦召春平侯因留之泄鈞為之謂文信侯曰春平侯
者趙王之所甚愛也而即中甚妬之故相與謀曰春平侯
入秦秦必留之故謀而入之秦今君留之是空絕趙而即
中之計中也故君不如遣春平侯而留平都侯春平侯者
言行於趙王必厚割趙以事君而贖平都侯文信侯曰善
因與接意而遣之

朗州圖經沙門惠原本姓春氏義陽人也少以弓弩為業

至武陵山射一鹿將死能言曰吾先身只殺汝汝今併害我母子既是緣對當為汝死復言曰吾尋當成佛也汝可行善惠即落髮于鹿死之處而置伽藍名者闍窟山寺王融別傳言惠死後十年有人于武當山下見之氏姓謹春生物垣曲人洪武中任遷安縣丞春仲和武昌人宣德中任金谿縣丞

藝 見廣韻

辭 按玉篇多部云辭姓也或作駢駢駢姓此姓諸書無今補
詵 見姓苑

閩 見路史

旻 見姓苑太平寰宇記

蔡邕集劉鎮南碑有南鄉太守樂陽亭侯旻思

諄 此姓諸書無今補

莊子天地篇諄芒將東之大壑過苑風於東海之濱

濱 見姓苑

勻 見姓苑

馴 見姓苑

遵 見姓苑

因 見姓苑

均 見氏族畧

寅 見姓苑

氏族畧宋寅午辰延祐初任嘉興教授

彬 見姓苑

氏族畧唐彬霽撰祕苑狀啓四卷

民 見姓苑池北偶談

燕丹子田光自殺太子茫然良久不怡民氏日置酒請軻
酒酣太子起為壽

泯 此姓諸書無今補

晏子春秋燕之游士有泯子午者南見晏子於齊言有文
章術有條理巨可補國細可以益晏子者三百篇睹晏子
恐懼而不能言晏子假之以悲色開之以死顏然後能盡
其復也

珍 見姓苑

閔 此姓諸書無今補

集古印謹漢有閔王孫

巾 此姓諸書無今補陝西興安府有之

姓韻卷二十二

十二文

文 見風俗通路史

左文公十年傳文之無畏為左司馬宋公違命無畏扶其
僕以狗或謂子舟曰國君不可戮也子舟曰當官而行何
彊之有注子舟無畏字按呂春秋楚莊王使文無畏于齊
即文之無畏也

左哀公四年傳蔡公孫翮以兩矢門之照莫敢進文之錯

或威張

澍篔

後至曰如墻而進多而殺二人蹠執弓而先翩射之中肘遂殺之

呂氏春秋吳文之儀闔閭師按一作文之義

國語越大夫文種字子禽荆平王時為宛令楚郢人見吳越春秋

國策宋良醫文摯醫魏太子病又文張善宋寅惡公子目夷宋寅然之

孔叢子魏文咨告子順曰夫不害前政而有成熟與變之而起諷哉

張崇小名錄漢廬江文翁名黨漢書文翁為蜀郡守興學

校水經注文翁決湔江按文翁名黨見廬江七賢傳

漢書烏桓校尉文穆從竇固伐西域按水經注山桑縣東有文穆碑穆以明氣候擢拜侍中右中郎將遷九江彭城陳留四郡太守光和中卒此又一文穆也

西域傳烏頭勞死子代立遣使奉獻漢使關都尉文忠迎之

西京雜記茂陵文固陽以能矢射雉日連百數

峽陽國志越雋太守文齊字子奇梓潼人不附公孫述以

郡歸漢封成義侯孝平末以城門校尉為樓為屬國都尉
遷益州太守齊子純為北海太守

西京雜記匡衡邑人大姓文不識家富多書衡為其傭作
而不求直主人怪問之衡曰願得主人書徧讀之
又云文長倩一產二男以前生為長

漢書桂陽太守文龍獻珠帝卻之按袁宏記作漢陽都

尉文襲

搜神記文穎南陽人字叔良建安中為甘陵府丞夢一鬼
曰吾本趙人今屬汪芒氏之神棺浸水中乞葬高燥穎為

移其棺水經注云昔南陽文叔良以建安中為甘陵府丞

宿水測趙人蘭襄夢求改葬叔良明循水求棺果于水測

得棺半許落水叔良顧親舊曰若聞人傳此吾必以為不

然遂為移殯輟而去之即干寶所記之事按即注漢書之

文穎也搜神記又云文穎為劉表從事使聘益州牧劉璋

王仲宣贈之詩見文選

綏民校尉熊君碑末云故長沙茶陵長文春字季秋治天

官日度風角列宿明知聖術在官脩德民歌遺風

泰山都尉孔宙碑陰門生魏郡館陶文儉字元節

魏志文聘字仲業獻帝時為荊州刺史按聘為劉表大將
後降曹操聘子岱列侯

魏志文欽字仲君後入吳為北鎮大將軍子鴛虎欽吳
將全懌等救諸葛誕為誕所殺鴛虎降表為將軍按晉諸公
贊鴛一名倣破涼州虜名聞天下太康中為東寧校尉為
東安公繇所誣被誅魏氏春秋以為倣欽中子小名鴛也
干寶晉記作文倣字次騫有戎力籌策

魏志袁紹將文醜官渡之戰為關雲長殺之又騎將文稷
按稷譙郡人其子欽後以反誅

晉書文立字廣休巴郡人師事譙周門人以立為顏回

蜀錄李雄將文碩李班引天水文夔為賓友

蜀檇杌王昭遠節制山南巡邊至汶州見墓有尸如生誌云

大中年汶州都虞侯文和之墓命判官文谷作穴重葬之佞

夢文和謂曰我為太乙真人日者子有刀兵之厄能葬我可以

免禍按野人閒話偽蜀詞人文谷有核桃盃潤尺餘文采爛

然實蟠桃之實也又按文谷為文翁之裔龜年之孫龜年乾

符中明經及第任彰明令温江人

宋史文同字與可家梓潼善詩文篆隸行草飛白畫竹登進

士選集賢校理知陵洋二州元豐中改湖州至陳州卒先是崔公度見于京南同言曰吾聞人不安語者舌可過鼻即吐其舌三疊之如餅狀引之至眉間公度大驚及至京乃知已死

宋史文彥博字寬夫先本敬氏避諱改爲文以翼祖廟諱見路史曝書亭集

集仙傳公輸班之妻琅邪雲氏女神巧天授

魏志齊王紀優人雲午唱青頭雞

南涼錄僭左將軍雲連昇安北將軍段苟乘虛入番禾

以襲蒙遜之後

隨書雲定興女爲皇太子勇昭訓定興有巧思善製器伏官屯衛大將軍

唐書雲得臣仕溫陵令于武德七年官治中自龍門引河溉田六千餘頃又雲遂大足中任泉州刺史

舊唐書教坊副使雲朝霞善吹笛新聲變律深愜上旨自左驍衛將軍宣授楊府司馬宰臣奏楊府司馬品高即官刺史迭處不可授伶官

唐書王式恐裴甫逃入海乃命望海鎮將軍雲恩益將水

軍巡海澨

唐書僖宗時崩南餘寇未靖節度使辛彥恐流入南詔遣雲虔說以大義南詔驃信授木夾以爲信

姓纂唐右武衛大將軍雲歸德公生師德師德官右威將軍生知嗣或德中進士任湖州太守師端左武衛大將軍生知化汾州刺史知業汝州刺史按唐石柱題名記有金部郎中雲知暎司封員外郎雲知善當爲師德之子也知嗣任岐州刺史爲來俊臣所殺

氏族畧雲景龍字良遇汴許人乾道中知慈利縣蒞政嚴

明

元史雲從龍文昌人進士仕自行省參政撫綏有方

明史胡惟庸謀逆詐稱井涌醴泉邀上往觀之守門內使雲奇知其謀走衝蹕勒馬衝言狀氣勃語不得出上怒其不敬左右搃捶亂下奇坐死猶奮指惟庸第

氏姓誼雲衢桃源人永樂舉人雲亮長垣人知治中任知縣雲子玉文昌人知治舉人雲岫平鄉人嘉靖中判裕州雲冒山東人嘉靖中任參政

王瓊傳番人來寇連爲參將雲昌等所敗

陝西志雲夢麟山西晉縣人任陝西左參政

廣德州志雲鳳岐廣德州人以貢士司訓開誠接物不動于勢時縣令山西人其親屬西商多籍楊州請議于縣中開鹽市令民買官鹽士民激變令計無措欲勒岐以塞士口岐峻詞斥之卒為所中

題名錄雲中官廣德州人康熙癸未進士

縉紳錄嘉慶時雲天彪直隸人任京口守備雲澍甘肅西寧吏員官貴州龍泉縣典史

雲陽氏見遁甲經此姓諸書無今補

云 見姓纂路史

漢書云敞字幼孺平陵人治尚書經為博士師吳章章為王莽殺敞時為大司徒掾自劾吳章弟子收抱章尸歸棺斂葬之王舜高其行奏為掾薦為中郎諫大夫唐林薦擢魯郡大尹更始徵為御史大夫病免卒于家

漢書匈奴傳單于云當王莽封後安公子大且渠會山東志云復誠嘉靖中任三河縣丞東平人

妘 見國語說文

考古圖商有妘氏鼎按妘即妘字

芸 見風俗通

姓纂引風俗通晉有大夫芸賢本雲姓春秋時改芸按姚

寬戰國策後序廣韻晉有大夫芬贊音撫文切

前涼錄有芸閣

邛 見世族誼氏族畧

古今人表有邛公

員 見姓苑員音云

前涼錄有金城人員敬安夷人員平大夏人員懷遠

唐書員半千位終太子右諭德執文志員半千撰三國春

秋二十卷按半千為王義方門人義方卒為制服三年哭

畢而去唐書以正諫大夫臨汾員半千為控鶴監內供奉

半千以古無此官請罷之

李泌傳員做開元十六年^年九歲升座詞辨注射按執文志

員做太子幽贊十卷開元四年京兆府童子進書召試直

宏文館

唐即官石柱題名有吏部郎中員嘉靜按嘉靜考陰人為

張嘉貞薦

唐書簡州將杜有遠執刺史員虔嵩降于王建

溧陽志溧陽知州員賢咸陽監生初建水次倉留心學校
天順間任

勤 見風俗通

風俗通魯有大夫勤成按統誼成作戍誤

廣異記漳浦人勤自勵天寶末充健兒隨軍安南及擊吐

蕃十年不還妻林氏為父母奪志將改嫁同縣陳其婚夕而

自勵還父母具言其婦重嫁始末自勵聞之不勝忿怒婦

宅去家十餘里當破吐蕃得利劍是晚因仗劍而行以詣

林氏行八九里屬暴雨天晦進退不可忽遇電明見道左

大樹有旁孔自勵權避雨孔中聞有人呻吟徑前捫之婦

人也問其為誰婦人云已是林女先嫁勤自勵為妻自勵

從軍未還父母無狀見逼改嫁以今夕成親我心念舊不

能再見憤恨莫已遂持巾于宅後桑林自縊為虎所取幸

而遇君今猶未損倘能相救當有後報自勵謂曰我即自

勵也曉還至舍父母言子適人故伏劍而來相訪何期于

此相遇乃相持而泣頃之虎至初大吼叫然後倒入孔自

勵以劍揮之虎腰中斷恐又有虎故未敢出尋而月明後

果一虎見其偶斃吼叫愈盛自爾復倒入又為自勵所殺

乃負妻還家今尚無恙

定命錄唐勤曾仕魏州館陶縣尉敕捕妖書人王直縣界
藏失勅使將欽緒奏請一百日捉不獲與中下考其時限
已過半有巫云少府必無事不用過憂後遇按察使邊冲寂
奏奉勅却奪敕史曹勤俸會十一月二十二日巡陵思赦
遂得無事其時遣人分捕王直不得又有日者云至某月
某日必獲王直反縛送來果有人于相州界送來別一王
直以月日反縛送到推問逗遛不是畜書妖者遂却放之
按李白集有麻陽壯士勤將軍思齊歌序云麻陽壯士勤

將軍神力出于天然則天太后召見奇之授游擊將軍賜
綠袍玉帶朝野榮之後拜橫南將軍大臣慕義結十友即
燕公張說館陶公郭元振爲首余壯之遂作詩又按張說
集薦陳光乘等表云夔州歸州鎮將勤思齊忠壯而異材
求之古人張飛許褚等也許渾集有題勤尊師麻陽山房
詩云師即思齊之孫

統謚勤璽曹縣人成化進士勤秉胤瑞安人永樂舉人

勤
見姓謚

氏族畧宋進士勤鉉元祐進士勤淵端平進士均瀏陽人

氏姓誼懃會瀏陽人弘治舉人任梧州府同知按弇山堂
別集作懃進

筋 見姓苑

薰 見姓苑

唐書永昌蠻酋薰期帥部落二十餘萬戶內附

奇姓通薰成成化初任建寧衛千戶

芬 見風俗通

風俗通戰國策晉有大夫芬賢賢一作質按一引作魯賢人
誤疑即芸賢字相近而易姚寬戰國策後序引廣韻云晉

有大夫芬質

盼 此姓諸書無今補

隕 此姓諸書無今補

摘象輔燧人氏四佐隕蓋受延嬉宋均曰延長嬉興也主
受此錄也按荒史作隕丘遂皇出行隕丘居右為彌戶維
氏之子也丘或作立

鄆 見姓纂

富順縣志成化癸卯舉人鄆良字本善知縣

漢中志嘉慶時漢中南鄭生員鄆闕

君 見姓解

白虎通堯學乎君疇按韓詩外傳作尹壽

桓子新論君太素習萬劍之名凡器遙視而知不須手持

熟祭按一作王君大

西域傳莎車將君得在于寘暴虐百姓患之明年永平二

年其大人都末出城見野豕欲射之豕乃言曰無射我我

乃為汝殺君得都末因此與其弟共殺君得

漳州府志君助西平人洪武中任漳州知府

蚩 此姓諸書無今補

說苑蘧伯玉曰蚩黃生于楚之晉治七十二縣道不拾遺

民不妄得城郭不閉國無盜賊按今說苑作魯蚩黃

勲 見姓苑

前趙錄劉曜使將作大匠勲胡元增永吳顯平二陵高九

十尺冢前石人若有言慎聲胡元親聞之

鄞 見姓苑

分 見姓苑

蕢 見姓苑

芬 見姓苑

芴冒氏見左傳

楚策昔吳與楚戰於柏舉三戰入郢寡君身出大夫悉屬
百姓離散芴冒勃蘇曰吾披堅執銳赴強敵而死此由一
卒也不若奔諸侯于是羸糧潛行崢山踰深谿蹶穿膝暴
七日而薄秦王之朝雀立不轉晝吟宵哭七日不得告水
漿無入口瘡而殫悶死不知人秦王聞而走之冠帶不相
及左奉其首右濡其口勃蘇乃蘇秦王身問之子誰也芴
冒勃蘇對曰臣非異芴冒勃蘇也注定四年以為申包胥
者

訢 見姓苑

軍 見姓苑

按應奉傳安帝時潁川人史玉殺人其母軍請代玉死則
漢有軍氏矣

氏姓謹南北朝有軍延賞臨川內史

軍朱氏見複姓錄

軍車氏見姓纂

聞 見風俗通

氏姓畧宋聞見昌古筠人咸平進士聞韶光州人開禧中

知象山縣事

浙江通志聞璋字廷實鄞人篤行君子刑部尚書淵之父
聞良輔德清人洪武中任大理寺卿出使暹羅官至廣東
按察使司聞伯升洪武開科進士天台人聞祿永樂初任
臨江府通判操守堅正後升太原知州聞澤鄞縣人正德
甲戌進士聞淵字靜中鄞縣人弘化進士官吏部尚書聞
宗時鄞人性至孝父被賊執宗時以身乞代飲刃而死
江南志聞釗常熟人成化進士任大理評事聞東昌常熟縣
人正德甲戌進士

題名錄聞賢貴州永寧人嘉靖辛丑進士廣西南寧府新
寧州知州聞寶桂河南祥符人廕生

聞人氏見風俗通姓纂

漢書聞人襲字定卿沛國人官太僕至太尉按蔡質漢官
典職儀載建寧四年立宋皇后太尉聞人襲使持節奉鬮
綬謝承後漢書襲爲郡督郵行則負擔卧則無被連屠皮
以自覆不受人一食之資

儒林傳沛有聞人通漢子方以太子舍人論石渠至中山
都尉受后蒼曲臺祀

說文實始翦商古本作戠聞人氏曰戠與翦同按宜為聞人通漢說也

謝承後漢書聞人統字文公者為郡督御家貧無馬行則負擔卧則無被連屬皮以自覆不受一食之饋

吳志陸瑁傳瑁蜀人敏見待國邑憂於宗脩惟瑁以為不然後果如其言按憂宜作優言優于宗人脩也

水經注晉太元九年左將軍謝予于呂梁遣督護聞人奭用工九萬擁水立七柁以利運漕按晉書奭吳興人先為博平令曾上疏論茹千秋等之罪

姓纂梁有聞人舊詩入玉臺集

蕭子顯齊書張緒為本州大中正長沙王晃屬用吳郡聞人邕為州議曹緒以資籍不當執不許

齊書聞人夙吳興人年十七結客報父仇為齊高帝所賞位至長水校尉

隨書聞人嗣安任蘇州總管按舊唐書薛登傳常州義興人父士通大業中為鷹揚郎將江都之亂士通奔鄉人聞人嗣安等同據本郡以禦寇賊

五代史聞人凝周龍德三年富川令

唐書沈法興棄城走吳郡賊即聞人遂安遣其將葉孝辯
迎之法興中途而悔欲殺孝辯更向會稽孝辯覺之法興
窘迫赴江死按遂安一作嗣安

按唐咸通十二年有閩人銖等造經幢見金石粹編

唐書曹師雄寇二浙杭州有杭州八都有富陽閩人字其
後字卒以錢塘人成及代之

氏族畧閩人宏德祐時官通州司理叅軍

老學菴筆記嘉興閩人德茂名滋老儒也喜留客食然不
過蔬豆而已郡人求館客者多就之謀又多蓄^書喜借人自

言作門牙客充書籍行開豆腐羹店談經義滾滾不倦尤
邃于小學按滋嘗作南湖記

朱竹垞集淳熙間杭州郡守張元成延閩人伯紀脩嘉禾
志

夢谿筆談錢塘有聞久紹常寶一劍以十大釘陷柱中揮
劍一削十釘皆截隱然爲秤衡而劍鋒無纖跡用力屈之
如鉤縱之鏗然有聲復直爲弦

宋史閩人宏碩字君度嘉興人朝散大夫安遠之子登進
士第授通判司法陳瓘貶台州宏碩乞改天台兵曾從之

游入高其義後知宣城有善政判常州著有中興要覽周
官通解

嘉興志聞人璪字君儀刻意爲學以詩擅名登熙寧三年
甲科剛敏練達不畏強禦

元史聞人夢吉字應之金華人父詵老嘗游王柏之門夢
吉授學家庭父子自相師友泰定間夢吉授泉州教諭門
人謚曰凝熙先生按明史宋濂就學于聞人夢吉通五經
紹興府志聞人組餘姚人成化間知寧國縣治邑如家尤
勤撫字擢兵部郎中

題名錄聞人晟餘姚人永樂辛卯進士聞人猷餘姚人正
統壬戌進士聞人銓餘姚人嘉靖丙戌進士按明史執文
志銓著餘射圖解一卷

題名錄聞人憲行餘姚人嘉靖戊戌進士聞人崇山陰人
乾隆己未進士

全 諸書無此姓今補

唐書郭知運傳吐蕃將全達延乞力徐寇渭源盜牧馬詔
知運討之按全乃吐蕃酋帥姓魏知古有報吐蕃宰相全
達延書

紛 此姓諸書無今補

國策樓梧約秦魏魏太子爲質紛彊欲敗之謂太后曰國與還者也敗秦而利魏魏必負之負秦之日太子爲糞矣太后坐王而泣王因疑于太子令之留于酸棗注樓梧魏人後又作梧今作梧紛彊衛人正曰高注魏臣南涼錄晉孝成太元十九年思復韃死子烏孤嗣立雄勇有大志與大將紛陀謀欲規取涼州紛陀曰明公必欲得涼州宜先務農桑脩鄰好禮賢俊明政刑然後乃可烏孤從之

欣 見路史

唐龍興寺經幢有欣盛

氏族畧五代貞明登科有欣彪渤海人

奇姓通教諭欣恭遜博羅人成化舉人任教諭按弇山堂集作忻

忻

氏族畧五代時有進士忻彪按即欣彪也

陝西志忻偉吳堡舉人

全紹衣文集翰林院檢討兼兵科給事中錢肅範之妻忻

氏

姓氏誼忻王妻楊氏王病疽楊吮之後死每食依王柩側

玉嗜鯉每忌日必設鯉以祭

殷 見風俗通姓纂廣韻

國策衛有殷順且

史記秦有會稽太守殷通為項羽殺

漢書儒林傳殷忠廣川人徐廣曰殷一作段又作瑕也

東觀記殷肅與班固善因薦之于東平王按一作段肅

儒林傳殷嘉東海人與河南乘宏等同受易於京房為郎

博士

漢書殷丹會稽太守有孝婦以誣見殺連旱三年丹到郡

刑訟者祭婦墓天應時澍雨

儒林傳殷崇琅邪人以治尚書徵為博士

逸民志殷謨字君長雁門人守節不仕王莽

孝子傳殷惲生而謹慮七歲喪父哀號^毀瘁不為戲弄得

瓜果可啖之物懷持進母未嘗先食

范滂傳鄉人殷陶黃穆侍衛于^高應對賓客^滿詔陶等

曰今子相隨是重吾禍也按袁宏紀陶字仲才陶潛孝子

傳陶汝南人年十二以孝稱遭父憂有長蛇帶門舉家奔走陶以喪柩獨居廬不動

西域傳漢使侍郎殷廣德賁烏孫求車師王烏孫貴將詣闕

蜀志殷觀字孔休宣城人昭烈拜為主簿遷別駕從事

吳志殷禮字德嗣雲陽人與張溫使蜀諸葛亮甚稱嘆之

遷零陵太守按禮子基作通語

魏志遼東殷馗見譙郡黃龍出知後出真人

梁書殷芸傳芸字灌蔬陳郡長平人厲精勤學博洽羣書

麻官秘書監司徒右長史按隨志梁武帝時勅安右長史殷芸撰小說十卷又按作商芸者宣祖未就時避諱也其序事止宋初

山傳拾遺唐殷七七名天祥又名道荃每醉歌曰琴彈碧玉調藥鍊白朱沙解作逡巡酒能開頃刻花

斤

氏姓謚斤其明嘉靖中南海縣貢生

陝西志斤之後順治十三年任同州府同知

姓韻卷二十三

十三元

元 見風俗通姓纂路史

水經注史記高祖功臣侯者年表高帝六年封元項為厭
次侯按徐廣音義曰漢書作爰類

隨經藉志晉有元愨著樂略四卷

前涼錄鄯善國王元礼按一作元益

紀聞唐翰林學士陳王友元廷堅罷遂州參軍于州界山

成威張

澍纂

居讀書有人身鳥首來造衣冠甚偉照鳥數十隨之言曰
吾照鳥之主也聞君好音律故來延留數夕教庭堅音律
清濁文字音義兼教之以百鳥語庭堅由是曉音律撰韻
英十卷

朝野僉載元嘉少聰俊左手畫圓右手畫方口誦經史目
數羣羊兼成四十字詩一時而就足書五言絕六事齊舉
代号神仙童子

朝野僉載殿中侍御史元本疎膊偃身黑而且瘦目爲巖
南考典

大唐新語元宗達爲果州司馬有婢死處分直典云達家
老婢死驅使來久爲覓一棺殯之達初到家貧不能買得
新者但得一經用者即得亦不須道達買云君家自有須
直典出門說之一州以爲口實

國史纂異元行冲賓客爲太常少卿時有人于古墓中得
銅物似琵琶而身正圓行冲曰此阮咸所造樂也乃令匠
人改以木爲之聲清雅今呼爲阮咸者是也

新唐書元載父景昇爲曹王明妃元氏掌田租請於妃冒
姓元氏又元稹爲宰相字微之天下謂之元才子

浙江志元輔官給事於杭州作見山亭又河南元蕪由右
司郎中為杭州太守

唐書元德秀字紫芝河南人官魯山令作于蕪于之歌房
瑄曰見紫芝眉宇使人名利之心都盡

唐書元結字次山水部員外郎老于文學居永州祁陽縣
自名溪曰浯溪山曰浯山臺曰唐臺按國史補天寶中元
結師中行子始在商於之山稱元子逃難入猗玗之山稱
猗玗子或稱浪士漁者呼聲叟酒徒呼漫叟及為官呼漫
郎

原

元咍氏見路史

見姓纂

按左莊十八年傳原莊公迎王后于陳僖二十五年傳晉
遷原伯貫于冀宣十六年傳晉侯使士會平王室王享之
原襄公相昭十二年傳原伯綏虐其與臣原與人逐綏
而立公子跪尋杜注跪尋綏弟也昭十八年傳葬曹平公
往者見周原伯魯焉與之語不說學是皆周之原氏也定
元年傳城成周魏獻子屬役于韓簡子及原壽過注周大
夫世系未詳又鄭原繁陳原仲

史記襄子奔保晉陽原過後從見霍泰山山陽侯天使與竹二節後襄子使過主霍泰山嗣

史記孔子徒原憲子字子思家語云宋人鄭子云魯人亦曰原思原亢字籍衛人原壤孔子故人

漢書游俠原涉字巨先為谷口令

王莽傳莽妻苟侍者原碧莽幸之後臨亦通焉

西羌傳漢中守鄭勤門下吏原展以身扞勤為羌所殺

氏姓証正德中眉州知州原道蒲城人風采剛方持守尤

力原傑字子英陽城人正統進士歷官兵部尚書

原仲氏見英賢傳

英賢傳楚悼王時大夫有原仲茂

原伯氏見英賢錄氏族畧

英賢錄晉孝公時有原伯益

原甄氏見官氏志

沉 此姓諸書無今補

人 縉紳錄河南彰德府湯陰縣管河縣丞沉吉光浙江建德

源 見魏書

魏書源賀西平樂都人本秃髮傳之子破羌也歸魏賜姓名源賀後招慰涼州以功封西平公又以定策翼戴勲進爵西平王出爲冀州刺史改封隴西王賀臨州治爲第一賜衣馬徵拜太尉賀依古今兵法采至要爲十二陳圖獻之長子延以功臣子拜侍御中散思弘延弟後賜名懷謙恭寬雅有大度襲父爵爲雍州刺史清儉有惠政善撫卹劫盜止息景元二年除尚書左僕射奏停爲奸吏犯罪逃匿兄弟代族持節巡行北邊存卹有方百姓爲豪強凌壓積年枉滯一朝見伸者日有百數上便宜於北邊者三十

餘條案視雲中諸鎮表五十八條卒贈司徒公懷二子子邕子恭子邕字靈和少好文雅篤志於學推誠待士士多歸之累遷夏州刺史以平賊功封樂平縣公安樂王鑿據鄴反勅子邕與都督李神軌討平之改賜平縣公後討葛榮沒於陳贈司空子恭子邕弟字靈順聰明好學稍遷北主客郎河州羌却鐵忽反詔子恭爲行臺討之子恭示以威信二旬悉降屢以軍功封臨穎縣侯天平初除中書監三年拜魏尹卒贈司空公彪子恭子字文宗學涉機警少有名譽魏永安中以功賜爵臨穎縣伯天平四年爲涼州

大中正皇建二年累遷涇川刺史彪以恩信待物邊境輯
和遷秦州刺史及齊平入周授儀同大將軍司城下大夫
隨開皇中拜莒州刺史與字思周懷弟隨父賀討勅勒有
功除長樂太守規字靈度懷長子官羽林監雄子恭弟纂
之子字世略寬厚美姿容周以伐齊功封朔方公歷冀平
二州刺史陳將蕭摩訶等侵江北雄擊走之遷朔方總管
平陳後以功進位上柱國

唐書字宗宰相源乾曜相州臨漳人祖師民隨刑部尚書
父憇高宗時為大常伯流死嶺南乾曜歷官以清慎恪敏

得名按憇一作直心其弟名誠心洛州司馬是作憇者誤
李義府欲殺劉仁軌直心為舍人救之乃除名

御史臺精舍題名碑陰有源光譽源元禕按郎官石柱題
名碑光譽為度支郎中為乾曜族孫後為戶部侍郎源光
裕鄭州刺史為世良吏後為尚書左丞源洵光裕子閨門
雍睦士友稱之天寶中為給事中山南節度使襄州刺史
以禦賊卒又有司勳員外郎源重後為湖州刺史蕭穎士
所昇游者有源行恭

按唐御史中丞左庶子源休臣于朱泚中朝臣遁伏者休

多所誅殺弟溥亦臣泚時人謂休爲火迫鄼侯舊唐書京兆尹光輿之子世系表作光譽

舊唐書長慶中源寂使新羅國見其國人傳寫諷馮定所爲黑水碑画鶴記

名畫記唐有源平仲撰有靈秀本草圖

氏族略宋建隆登科有源獲景祐有源永勳

姓氏謹源湜字仲源高郵人洪武初任大都督斷事升監察御史出知辰州過武昌有黃鶴樓詩源達藍田人宣德中任鹽井衛教授源政眉山人成化中任武陵縣丞

北齊書源彪字文宗西平樂都人父子恭魏中書監司空文宗學涉機警少有名譽歷驃騎大將軍入周司成下大夫隨初授莒州刺史子師少好學明辨有識河清初爲外兵郎中隨大業時爲大理少卿文宗弟文舉亦有才幹從父兄楷字那延善草隸書

爰 見廣韻

韓子季辛鼻爰蹇相怨司馬喜新鼻季辛惡因微使人殺爰蹇中山之君以爲季辛也因誅之

呂氏春秋東方有士焉曰爰旌目將有適也而厭于道狐

父之盜曰止見而下壺餐以舖之爰旌目三舖之而後能
視曰子何爲者也曰我狐父之人止也爰旌目曰嘻汝非
盜耶胡爲而食我吾義不食子之食也兩手據地而吐之
不出喀喀然遂伏地而死又作爰精目或作爰精瞽

漢功臣表厭次侯爰類以慎將元年從起留入漢以都尉
守廣戎功侯孝文元年侯嗣五年謀反誅元康四年類系
孫之子陽陵公士世詔復家元始三年類元孫之孫萬詔
賜爵關內侯

漢書爰盎楚人字綏官中郎將又爰叔盎兄種子爲董偃

畫策

按楊雄與劉歆書孝宣時沛人爰禮爲小學元士黃門侍
郎後至大鴻臚亦見許氏說文叙目孝平時徵禮等百餘
人說文字于未央宮中黃門侍郎楊雄采以作訓纂

漢書爰延字季平外黃人桓帝時爲侍中子驥爲白馬令
亦稱善士

光武紀爰曾字子路東平人起兵盧城頭號城頭子路更
始拜東萊太守

西京雜記余所知爰猛說其大父爲廣川王中尉諫王發

掘墳墓事

古今注爰寄生馬伏波門生善吹笛作_或谿深引

陳留耆舊傳爰珍除六合吏人訟息教誨其子弟歌之曰
我有田疇爰父殖直我有子弟爰父教誨

陳留耆舊傳爰彌字伯仁年十歲叔父蘭部濟陰從事與
御卒俱獵縣送酒肉彌不肯嘗問其故答曰聞之于諸侯
不臨其事不食其食蘭然其言還而不受貞潔之質由是
以章

集古印誼漢有爰閭奴爰龍

魏志爰邵爲殄虜將軍鄧艾問夢者位至衛尉荀綽冀州

記曰邵長子翰河東太守中子敞大司農少子倩字幼君

歷冀州刺史太子右率衛翰子俞字世都清真貴素辯於

議論官侍中中書令遷爲監按鍾會傳有叅軍爰彰未知

即倩否

晉書張軌傳晉以侍中爰瑜爲涼州刺史

世說爰綜爲新安太守南界有刻石爰至其下譙有人于
石下得剪刀者眾咸異之主簿對曰昔長沙桓王嘗飲饑
孫洲父老云此洲狹而長君當爲長沙事已而果應夫三

乃為州今得交刃君當為交州後果作交州

後魏書鄆人爰赤眉妻李子楊以女與共祇亂

魏魯郡太守張府君清德頌碑陰有郡中正爰孝伯爰景

哲

姓篡唐有邵國公爰子幹世居濮州狀云邵之後又建州

刺史爰慶

袁 見三老袁良碑廣韻氏族畧

左昭八年傳楚滅陳與慶袁克殺馬毀玉以葬楚人將殺

之請置之既又請私私于慳加經于穎而逃

按漢袁良習孟氏易平帝時為太子舍人建武初為成武令

孫安字邵公代第五倫為司徒又官司空子賞為郎京字

仲譽習孟氏易為蜀郡太守有堂構之稱矜於法度子彭

字伯楚終于議郎彭弟湯字仲和一作仲河為陳留太守

褒善叔舊以勸風俗屢遷司徒太尉湯長子成字文開為

五官中郎將次子逢字周陽官執金吾司空弟隗字次陽

官太傅為董卓殺逢子基官太僕術之母兄為董卓殺中

常侍叔亦隗之宗也袁宏記作袁朗敬字叔平代劉愷為

司空生子與尚書郎張俊交通事自殺敬子盱至光祿勳

梁冀擅朝與廷尉邯鄲義正身自守京孫賀字元服官彭
城相子閔字夏甫散髮不仕風俗通閔少舉孝廉爲司徒
掾子忠知節操皆亞于閔忠字正甫官沛相與范滂爲友
知字邵甫逢從子耻其門族貴盛不應徵辟終于家忠子
祕字永寧爲郡門下議生以身扞太守趙謙死于陳袁閔
字奉高數辭公府之命不脩異操而致名當時爲汝南太
守王龔功曹見王龔傳袁宏記云滂字公熙閔之孫也純
素寡欲終不言人之短一云滂爲梁相良之孫良少子璋
謁者生滂公熙一作公喜官司徒子渙字曜卿官御史大

夫紹字本初大傅司空逢之孽子袁敞傳云成之子也官
虎賁中郎將勃海太守自號車騎將軍太尉將軍遺字伯
業紹從弟官山陽太守老而好學術字公路大司空逢之
子官後將軍僭号仲家紹三子譚字顯思熙字顯雍尚字
顯甫譚青州刺史熙幽州刺史術子曜仕吳爲郎中
陳羣汝穎士論汝南袁公著爲甲科郎中上書欲治梁冀
穎川士雖務忠謹未有能投命直言者也
袁紇氏見魏書按唐書作轅紇氏作表紇氏者訛
魏書詔將軍伊謂擊高車餘種袁紇烏頻破之

魏書魏欲伐齊遣使發高車兵高車憚遠役奉袁紇樹者
爲主相帥北叛遣征北大將軍宇文福討之大敗而還

轅

見杜左注

按左傳陳大夫轅諸生濤塗僖四年爲齊人執是爲宣仲
後有轅選文二年傳轅選伐秦襄三年同盟于雞澤陳侯
使袁僑如會杜注僑濤塗四世孫哀十一年轅頗出奔鄭
唐書世系表宣仲生選選生聲子突突生惠子雅雅生頗
昭八年傳輿嬖袁克哀十一年轅頗奔鄭傳其族轅咺哀
十四年陳轅買出奔楚當亦頗族也左傳惟袁僑袁克不

作轅

漢書轅生諫高祖爲義帝發喪

儒林傳轅固齊人傳魯詩孝景時爲博士按固曾爲清河
王太傅與黃生爭論湯成之非弒君謂公孫知曰公孫子
務正學以言毋曲學以阿世

史功臣表禦兒侯轅終古按一作棟終古

成帝紀建始四年五月中謁者丞陳臨殺司隸校尉轅豐
于殿中應邵云豐爲長安令治有能名擢拜司隸校尉臨
素與豐有怨見其尊顯畏爲已害拜訖未出使人刺殺

氏姓誼轅朴和順人正統中任鴻臚寺司儀署丞
轅正氏見氏族畧按此非姓宜刪

棟

漢書南粵傳樓船將軍棟終古斬狗北將軍封語兒侯師
古云棟音袁人姓也一作轅澍按風俗通作輒終古
印藪漢有棟慶棟温舒按亦見集古印誼又有棟無害

滾

何氏纂文要滾人姓

棟

見姓苑

垣

見風俗通

史記秦始皇將垣齮按一作桓齮

風俗通漢河西太守略陽垣恭

公孫述傳南陽人宗成起兵爲其將垣副殺之

集古印誼漢有垣赤

前秦錄苻堅以長樂郎中令略陽垣敞爲錄事參軍

晉書宏農太守垣延詐降夜襲破劉聰軍

宋書臨淮太守益陽莊侯垣護之字彥宗祖敞仕苻氏爲

長樂國郎中令伯父遵爲尚書父苗爲京兆太守在慕容

德時石季龍略地徙之于鄴後歸晉居下邳遵子闡大明

時自義興太守爲兗州刺史弟閔昇明末爲右衛將軍子
僖伯出爲巴西梓潼二郡太守爲蕭黃教垣曇閔弟子以
行義稱爲臨城縣罷歸以錢十萬爲兄買宅閔弟閔爲九
真太守又護之弟詢之官積射將軍護之子襲祖官淮陽
太守詢之子崇祖字敬遠齊五兵尚書驍騎將軍南驍騎
將軍乃榮祖之從弟也按垣護之狹道人少倜儻氣幹強
果元嘉初爲殿中將軍累遷鍾離太守隨王元謨入河爲
前鋒敗魏軍魏以鐵鎖三重斷河絕護之歸路護之中流
而下以長柯斧斷鎖魏人不能禁義宣反護之率水軍討

之封益陽侯後拜青冀二州刺史恭祖護之次子勇果有
父風泰始初以軍功爲梁南秦二州刺史崇祖字敬遠護
之弟子也少有幹畧歷北琅邪蘭陵二郡太守及齊高帝
踐阼徙爲豫州刺史魏攻壽春崇祖決堰水魏軍溺死千
數高帝謂朝臣曰崇祖恒自擬韓白今果其人也進爲都
督後復破魏軍領驍騎將軍榮祖字季先崇祖從父兄也
善騎射宋孝建中爲後軍叅軍後歸齊高帝除東海太守
榮祖見翔鶴雲中曰當生致之乃彈其兩翅毛脫墜地無傷
養毛生後飛去預佐命功封將樂縣子拜兗州刺史又宋

中兵叅軍垣慶延羽林監垣抵祖皆與蕭道成通謀太子
右率衛垣歷生擊魏將盧淵破之歷生榮祖之從弟
氏姓誼垣廣詢字仲咨陽朔人洪熙中任戶部照磨
見潛夫論權文公集廣韻

路史堯臣有樊仲文一作仲父按許由之友樊豎字仲父父字
與文近仲父即仲文樊豎即樊仲文也

左傳有樊皮昭二十二年傳王子還與昭莊公謀曰不殺
單旗不捷樊頃子曰非言也必不克杜注頃子樊齊

孔子弟子樊須字逢

國策秦將樊於期周臣有樊餘

史記舞陽侯樊噲沛人子伉代侯為大臣誅文帝封噲他

庶子市人為舞陽侯子佗庶代侯

史記游俠傳長安樊仲子又舞陽侯沛人樊噲

漢書新野富人樊重字君雲子宏字靡卿封壽張侯子儵

字長魚官長水校尉儵刑定公羊嚴氏春秋章句號樊侯

學儵弟鮪建成十三年封宏弟丹為射陽侯兄子尋為元

鄉侯族兄忠更父侯

東觀記大彤渠帥樊重尤來渠帥樊崇字細君按崇琅邪

人起兵于莒

漢書天水太守樊曄字仲孺子融好黃老之學不仕樊準
字幼陵父瑞好黃老書準官尚書令

海內先賢傳樊英字季齊善圖緯洞達幽微永泰中見天

子因西向南啞詔問其故曰成都今日火永建時殿上鐘
自鳴帝憂之問英英曰岷山崩母崩子故鳴非聖朝災也

段熲傳漢中術士樊志張熲薦有梓慎焦贛之識

黨錮傳南陽樊陵求為季膺門徒膺不許陵後以附宦官
位太尉按漢官儀陵字德雲

樊毅脩華嶽碑有云光和二年有漢元舅五侯之胄謝陽
之孫曰樊府君諱毅字仲德承考讓國家于河南究職州

郡公府辟防東長中都令誅強覲撫瘠民二都以清命守斯
邦威隆秋霜思踰冬日孟冬十月齋祠西嶽以廟舍舊久

腐屋傾亞特部行事荀珽與縣令先謹以漸補治按范書
樊丹封射陽侯毅即丹之後也先謹胸忍人

後漢書方術傳樊阿從華陀學陀授以漆葉青黏散

蜀志樊建字長元義陽人延熙時以校尉使吳後入晉為

散騎常侍

太平寰宇記後魏太平十四年蠻人樊磨背梁歸魏於
今盧氏縣南百五十里立朱陽郡以樊磨爲太守孝昌二
年省郡大統二年又立屬東義州仍于治所置朱陽縣以
屬焉

樊仲氏見路史

左莊三十年傳惠王命魏仲討樊皮夏四月入樊執樊仲
皮以歸

